

重修汜水縣志

中華民國十七年重修

沁水縣志

趙欽政敬題

上海世界書局刊印

序

志乘之所關大矣國家之治亂政教之隆污人心風俗之盛衰雖今昔殊勢先後不同往往規之志乘而可以知其概故邑乘與國史並重不可缺也况乎陵谷變遷人事繁頤國史所不能詳者尙將藉邑乘以爲攷證之資是邑乘更能補國史所不及非第一邑掌故攸繫也余承乏是邦儼同故里詢知志乘一書自清乾隆以來失修者已百有餘年典籍散亡遺文無存每引以爲憾雖民六民十曾經兩次修輯然因時艱款絀未觀厥成茲歲之春適邑紳張躋青趙小軒諸公均以致仕家居毅然擔任又邀邑紳十數人公推趙躋堂先生總其事設館分職萃羣策以畢赴筆則筆削則削不數月而葺事焉爰急籌款付梓諸君請余一言弁首余自知腹笥空虛勉綴數語以見志乘之重而修志之必得其人始克底於成也如此夫

中華民國十七年 月 日開封田金祺跋

序

汜志續修始於民國六年倡議者爲邑人張君順則主議者爲縣長梁公西仲協議者爲邑中諸紳士爾時公集會議議定採訪編輯各若干員期以五月爲限設局於城東南竹川之逍遙觀公推魏星五趙筱軒爲正副局長李心泉梅子青許巖卿宋賓甫諸人爲任事員輪流照管余亦在其列主稿者爲王君子聘子聘果於任事常川住局計日程功未及期而稿就方擬詳加更正期於完善以觀厥成未幾竟以積勞病故大爲可惜嗣是接手無人雖屢經提議繼續其事皆旋議旋輟以致輾轉延閣迄今逾十年竟無成功夫縣志之修凡我邑人皆有責焉乃久而置之弗問俾將成之稿半途而廢亦良可歎豈竟無一人如順則之熱心耶順則生平對於此事最爲注意其初以所支公款局長薪水作採訪費繼又提公款局餘款作編輯費繼又籌積各款作異日印刷費始終殫心竭力不辭勞瘁聞其未病

汜水縣志

序

二

之前一月尙手披志稿親自校閱甫畢而病作矣臨終時猶諄諄在念囑子熙瑞完成其事不然將皇然抱此未竟之緒而齎志以沒矣先是順則曾函託其令姪躋青另請名人將原稿更訂抑或身親校勘以便付梓時躋青方長省法政專門學校繼又爲政務廳長兼攝省長事旋調實業廳長故久而未暇也然念茲在茲於順則公之託固未嘗一日忘戊辰春因丁母憂守制家居始提議及此因集高澤庵高少軒王潤蒼趙贊侯諸君重設局於城南之老君堂因就原稿分門別類擇要補遺刪繁就簡自春徂夏四閱月而功竣其於順則之託可謂無負矣是舉也始於子聘之起稿終於躋青之成書中間雖經馬子和荆文甫二人之手因迫於省通志局促呈底稿大概修正規模略具究非完帙經此次重修哀集成册雖爲時匆促其間不無舛漏之處而大致可觀惟余老病頹唐無能爲役寸功毫無撫衷自問良用歉然余維此次縣志之成以順則之功爲首次則子聘

躋青二人之力其餘前後分任諸君不過同心協力贊成其事而已向微順則倡議無人起而修之則自前清乾隆之初迄於宣統之末此一百七十餘年中事盡付之湮沒無聞豈不可惜向微子聘草創後之人卽欲起而修之無由據爲稿本另張旗幟則成功亦難向微躋青踵而成之加以討論修飾潤色之功卽有稿本可據將久而散佚終歸泯滅則前功盡棄於此見爲一事而籌畫盡善成始成終如是之難也况乎居今日而論志乘更難言矣今何時代若按實則無一事可紀何以成志余當前清之季曾居史館纂修國史其時目之所見耳之所聞已大不如昔時記載失實多付闕如迄於今日奇變百出其所見所聞更甚於前又安能一一登諸志乘雖然自辛亥清亡後革命之局已成帝國於此終民國於此始當此大鼎革之際一邑之志雖微實係乎新舊絕續之觀治亂興亡之鑒不有以紀之後之人卽欲考其實又烏從而求之今論者皆曰革新吾不知所謂革

新者若何存舊而已舊志可仍者仍之可補者補之凡以紀其可紀其不可紀者概置不錄嗚呼中學亡矣中國之志乘今後尙堪言哉五千餘年文明掃地感此茫茫百端交集殊令我抒懷舊之蓄念發思古之幽情而不能已已也縣志旣成同人乞余一言爲叙因誌其巔末如此兼以寄余慨焉

中華民國十七年夏歷戊辰歲中秋節後趙東階誌於五雲山房

序

汜志自有清乾隆初葉經邑令海甯許公重修後訖清末百七十年無嗣之者據許公志序知舊志成於順治十六年而明代以前則不可考降至近時不但清初邑志斷簡殘編不可復睹卽許志亦僅存孤本其刊版則久已毀失無餘噫已成之書既不能保全倡修之議復無人道及何邑人忽視邑志一至於此夫邑之有志猶國之有史國史不可以一日而中斷邑志何竟閱數世而不修百餘年來可紀之事可傳之人埋沒於荒烟蔓草間久而漸就泯滅者何可勝數卽有故老流傳半多語焉不詳甚或至於錯誤失實不足示勸誡而動人景行之心善惡不彰是非不明馴至風俗日偷人心日壞詎不重可慨哉民國肇造百度更新他縣多有修志之舉六年秋吾邑亦從事於此倡議者爲故魏星五李心泉梅子青楊經齋徐樸齋席湘圃許岩卿先叔順則公李子珍諸前哲及今總修趙公躋堂協修趙公

汜水縣志

序

四

筱軒分修高澤菴同年等十餘輩設局採訪不一載而稿件粗具經故王公子聘筆削事垂成矣竟以財匱停閣高崗之鳳一鳴寂然邑人惜之九年邑飢順則公主辦平糶事竣議以麻袋變價充修志基金再整旗鼓賡續進行適河南通志局委順則公爲汜水採訪員乃以所得稿件託馬君子和荆君文甫編成邑志十四年春脫稿時余長河南法政專門學校順則公馳書見告附送所訂汜水志稿囑請旅汴學人修正并諭爲序付印成書書價業經籌定等情余竊喜邑志果成矣乃披讀一過見有應商榷之處甚多正擬請訓而順則公之訃忽至聞其臨終猶囑嗣子熙瑞促余迅將志稿修正付印嗚呼急公好義死而後已如順則公者有幾人哉余欲竟其緒以無負順則公所託顧以事體重大力不能獨勝忽忽又數年矣然保存原稿不使散佚則余之責也客歲余丁母憂家居邑教育局長高君少軒第一區區長王君潤蒼等以踵成邑志就商余曰此邑之急務亦順

則公之遺志也敢不勉竭駑鈍隨諸君子後耶縣長田公對此尤爲熱心今年春召集紳董開會籌商設館於老君堂公舉田公督其事趙公躋堂總其成推定十數人分門修輯計纂錄舊志者十之三潤色前稿者十之四從新起草者十之三凡四閱月而蕝事雖闕略譌誤在所不免然實吾邑百餘年來僅有之大業也結有清已往之局而啓民國維新之運舉凡政治制度之鼎革因創與人心思潮之變遷趨向胥可於此略窺梗概奚可以帝制遺跡無用陳言短之哉余喜是志出版在卽又喜邑之當局諸公力籌印費爰記顛末如右以見是志作而輟輟而作再躡再起前後歷十年之久然後始告成功締造艱難固如此也回憶前此倡議及任事諸先民不及目睹是志之成手澤猶新音容俱杳悲夫人生代謝世事滄桑不禁感慨係之後有作者匡正而發揚之是不僅余一人之厚幸也夫是爲序

中華民國十七年 月 日邑人張登雲識

汜水縣志

監修

汜水

總修

邑

協修

邑

邑

分修

邑

邑

邑

邑

縣長

田金

祺吉封齋

人

趙東

階躋堂

人

趙國

先筱軒

人

張登

雲躋青

人

高蘭

潤澤菴

人

趙欽

政贊侯

人

荆良

儀文甫

人

王荆

福壽亭

人

王荆

福壽亭

汜水縣志

邑

邑

邑

邑

邑

邑

邑

邑

邑

邑

邑

邑

人

人

人

人

人

人

人

人

人

人

人

人

許其

牛松

韋學

高少軒

王澤

許其

趙印

許其

許其

高其

張熙

夏洪

襄少卿

齡壽亭

海景川

珮少軒

生潤蒼

清海臣

綬子佩

清海臣

瑞壽民

瑞壽民

範壽民

生見前

事務員

理事

邑邑

監刊

人人

李孫

振懷

鐘璽

玉綬

亭卿

邑邑邑

繕寫

人人人

禹曹禹

貢國立

金霖卿

品潤

三泉

邑邑邑邑邑

人人人人人

張武吳馬周張

秉振兆文綿韶

紳藻弼超綏華

縉理子紹幼成

宸亭良班丹九

汜水縣志

七

邑

人

尙

世

助

子

元

邑

校對

人

白

鵬

程

子

萬

汜水縣志

目錄

卷一

地理

疆域 沿革 山河 險要 古跡 金石 風土 十景附

卷二

建置

城 堤 官廨 屬署 學宮 祀典 書院 倉儲 選舉 振郵  
新設局所 鎮 保 倉 區 村 寨 開封汜水會館

卷三

職官

秦漢至元職官表 明職官表 清職官表 民國職官表 服務地方  
公職人員表 歷代名宦

卷四

賦役

戶口 田制 賦法 漕米 灘租 雜稅 地方財務

卷五

教育

教育行政 學校設置 教育經費表二 國內外中學以上畢業姓名表

卷六

汜水縣志

目錄

一

交通

驛 郵 電報 電話 舟車 鐵路

卷七

實業

農 林 漁 牧 工 礦 商 物產

卷八

人物上

儒林 仕蹟 忠義 懿行 文苑 方技 隱逸 游寓 仙釋  
耆壽

卷九

人物下

列女

卷十

藝文上

疏頌 示諭 記說

卷十一

藝文中

序傳 碑表 雜著

卷十二

藝文下

銘賦 詩歌

# 汜水縣志

## 凡例

一縣志自清乾隆九年邑令許勉燉重修後百七十年未有嗣修者民國五年邑人魏聯奎李培之趙東階趙國光許作霖席書錦梅靜波張彖巽徐恪傅在田楊乃畚牛履坦宋恪臣高蘭潤等創議修葺推李祥麟禹忠純馮振鐸趙儒濂荆明德楊紹溪翟宗洛等採訪翌年設局經王席珍纂修旋以款絀中止民國十一年後復經張彖巽荆良儀等修輯又以時局關係擱置然功雖未竟而稿已麤具全人今日幸有所據惟創事諸人現存者僅趙東階趙國光高蘭潤荆良儀馮振鐸趙儒濂荆明德等老成多故未及觀成深爲感喟

一此次修志卽以前次兩稿爲藍本不另採訪閒有聞見所及或開具事略者亦加載列罣誤之譏誠知難免

# 汜水縣志

## 凡例

一

一志中所紀之人所採之事截至民國十五年底止過此悉未載錄

一志中所載前哲往事錄自前乘者概註舊志不敢稍冒前人之功

一舊志門類有星野祥異禮樂評論事實等門然攷漢書地理志及唐天文志其曰角亢氏之分野火正祝融之墟柳七星張鶉火星者所屬之範圍甚廣俯視汜境不啻太倉稊米且天道遠人道邇烏用管窺爲哉祥異則事涉迷信禮樂則今難施行評論則言人人殊事實則散見地理建置職官等門故概付闕如

一教育交通實業三門舊志本無因社會人羣之進化國家政治之革新三者皆現今要務故特爲增列

一地理建置兩門徵引多仍舊志其變通增損之處章法雖與前殊紀錄悉依實際



一職官自秦漢迄民國概列爲表仕蹟優劣分注各人欄下功業卓著者另詳名宦以彰賢能

一賦役因治城叠被水患文卷遺失損益因革考查維艱茲據舊志及現卷所有者擇要錄載以備稽核

一人物因邑乘失修既久百餘年間奇士碩儒孝子悌弟忠義節烈文獻無徵湮沒必多採訪僅憑傳聞又難免於失實茲本善善從長之意凡前志所載悉仍其舊新探得者人有可稱事有足傳無不備錄懿行事實未詳者則以類相從列入彙集分載上下二卷期於不沒人善

一人物未載傳說之原因查舊志載城西傅巖里澗道甚險相傳爲傳說版築處是以傳說爲汜水人也惟據地理今釋云傅巖在今山西平陸縣東北二十五里隱賢社又水經注河澗水出虞山東南經傅巖歷傅說隱室前俗名謂之聖人窟孔安國傳

## 汜水縣志

凡例


二

稱傳說隱於虞號之間卽此處也云云或遂疑其爲平陸人竊按說命三篇旣載尙書炳炳烺烺直與日月爭光其究係汜水人抑平陸人固不必斤斤爭執也

一藝文舊志分列五卷收羅素稱弘富世異時殊思潮亦變不合時宜之文多載無益特加刪削益以近人之作分載三卷意爲增損閱者諒之

一此次修志鑒民六民十兩次前車訂期三月務底厥成雖有原稿而時間匆促鹵莽滅裂咎何敢辭且舊志刊板久沒而完本又復難覓時勢潮流日新月異遷延愈久則文獻愈將無徵修輯愈感困難用敢不揣固陋冒昧草就博雅君子幸糾正之

汜水縣城關形勢畧圖



北  
↑  
西 — 東  
↓  
南

趙家村

等慈寺

伏蛟山

小頂山

教習局

試院

文廟

城隍廟

舊監獄

倉

警察所

公報局

山印

學校

商會

山塔

樓鐘

城堤

金龜山

呂布城故址

虎牢關

張飛寨

方濟

翠屏山

鐵路

澄固川

海

隴


汜水車站

鳳凰山


老君堂

# 汜水縣形勢略圖

十萬分之一



北



## 圖例

竹林 ▲▲	河川 〰	山陵 ⊙	集鎮 ●	村庄 ○
廟宇 卍	池沼 〇	鐵道 — —	大道 ——	縣界 - - -



鐘晨嶺案 一景風



風 景 二 嶠 關 夜 拆



玄武靈台 風景三